



Australian Embassy
Timor-Leste

COVID-19



20 Agostu 2021

Mensajen husi Embaixador Austrália ba Timor-Leste, Peter Roberts



Triste no preokupa tebes, desde ami nia buletin informasaun iha fulan kotuk – variante Delta ba COVID-19 deteta tiha ona iha Timor-Leste no daudaun ne'e ita hasoru hela laloran infesaun ba daruak.

Haree ba número kazu ne'ebé aumenta sa'e, ita sente kma'an haree serbisu ne'ebé lais husi Ministériu Saúde, ho apoia husi Austrália no parseiru sira seluk, continua ba kampaña vasinasau.

Iha nivel nasonál, maizumenus porsentu 50 husi ema adultu sira simu ona vasina dahuluk tiha ona. No iha Dili, ne'ebe foku sedu iha kampaña vasinasau, barak liu duke porsentu 50 husi ema adultu kompletu ho doze rua. Parabéns ba ema hothotu ne'ebé mak involve ona ba atinjimentu boot ida ne'e.

Iha fulan liu ba, Austrália halo ona:

- 01 Simu ona lote vasina COVID-19 ho número ne'ebé boot liu ba Timor-Leste. Vasina doze 300,000 to'o husi Austrália semana kotuk hodi hatan ba Primeiru Ministru Taur Matan Ruak nia pedidu ba aumenta vasina. Austrália agora fahe ona vasina ho Timor-Leste hamutuk 577,000 resin no planeia ona sei lori tan mai tuir ami nia kompromisu atu asegura distribuisaun vasina ne'ebé suficiente hodi vasina completa ba ema hotu ne'ebé mak la kobre husi COVAX.
- 02 Hamutuk ho Ministru Defeza Filomeno Paixão de Jesus, Ministra Saúde Dra Odete Maria Freitas no Tenente Jenerál Lere Anan Timur loke facilidade izolamentu COVID-19 foun ida iha área fronteira iha Maliana. Austrália nia Programa Kooperasaun Defeza serbisu ona ho F-FDTL no Ministériu Saúde hodi hafoun hikas fali facilidade refere ne'ebé sei tulun fó fatin tau-matan ba pasiente sira no mós fó protesau ba comunidade sira.
- 03 Haforsa tan medida seguransa iha forniteira liuhosi completa postu fronteira rua tan liuhosi Programa Desenvolvimentu Polisia Timor-Leste. Postu auto-sustentavel hirak ne'e iha Amin Matan no Fatululik, hamutuk ho suplementu sasán ba tenda, maka no saku-toba nian, hasa'e Unidade Polisia Fronteira nia abilidade hodi haforsa governu nia medida kontrollu ba fronteira no mantein seguru ba comunidade sira.



Embaixada Austrália nia membru ekipa mana Amélia akompaña nia mama, Marciana ba simu vasinasau. Keta haluha, ita presiza hetan vasina kompleta ho doze rua hodi hetan protesaun másimu hasoru COVID-19, no liuliu ba efikásia ne'ebe diak liu hodi kontra variante Delta. Ho vasina 300,000 ne'ebé mak to'o ona husi Austrália semana kotuk, agora mak ita iha oportunidade hodi hetan vasina! Sentru Vasinasau sira hala'o operasaun iha Timor-Leste laran tomak.

Atu nafatin atualiza ho informasaun tuir mai, tuir ami nia pájina Facebook 'Australia in Timor-Leste'. Ita bele hetan ami nia buletín nia edisaun antigu sira iha ami nia sítio internet.

04 Hamutuk ho Japaun, fornese apoia finanseiru ba UNICEF hodi harii instalasaun bee no saneamentu permanente iha postu fronteira sira, fatin kuarentena no izolamentu sira. Ida neé hanesan medida importante ba kontrollu no prevensaun infesaun COVID-19 ba ema atu tama husi fronteira mai Timor-Leste.

05 Kontinua apoia recuperasaun no reziliénsia ekonomia liuhosi implementasaun ami nia Pakote Responde Ekonomia COVID-19 ho valor dolár Australianu millaun 20. Anúnsia ona iha fulan Juñu, pakote ida ne'e sei tulun projetu infraestrutur komunidadade eskalaun kiik sira iha rai-laran tomak no mós fornese pagamentu assisténsia sosiál ba uma-kain vulnerável sira. Prosesu defeza ba pagamentu *Bolsa da Mãe Jerasau* mós la'o daudaun ho di'ak ho Ministériu Sosiál Solidariedade no Inkluzau ba pagamentu osan hodi tulun fetu no labarik fetu sira hasoru mukit.

06 Progresu importante infraestrutur aumenta ba Portu Hera nu'udar parte ba ami nia parseria seguransa marítima ba preparasaun Ró Patrulla Guardian-class rua ne'ebé mak sei mai husi Austrália iha 2023. Ami mós hahú ona preparasaun ba ita nia ezersísiu defeza Hari'i Hamutuk – membru Forsa Defeza Australianu sira to'o ona iha Timor-Leste no kumpri ona kuarentena nune'e sira pruntu hodi hala'o atividade ba tinan ida ne'e nian ho F-FDTL iha Tilomar, Metinaro, Portu Hera no Baucau tuir prosedura rigorozu ba COVID-19.

